



## Publicaziuns officialas dils 23-10-2020

---

### Damonda da baghegiar

Nr. 124/2020

Datum da publicaziun: 23-10-2020

Patrun: Deplazes Leci, 7173 Surrein

Liug e parcelas: Surrein-Plazzas; 5176

Object: travestgir annexa e construcziun d'ina boxa

Il profils ein tschentai ed ils plans da construcziun ein deponi tier la canzlia communal. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 23-10-2020

*Cumissiun da baghegiar*

### Eleczium dil niev selvicultur

En sia davosa seduta ha la suprastanza communal elegiu Beat Cadruvi da Trun sco niev selvicultur. Il nievelegiu selvicultur frequenta actualmein la scolaziun da selvicultur e vegn a surpender sia piazza l'entschatta october 2021. Entochen la fin settember 2021 resta nies selvicultur actual Flurin Cathomas engaschus en in pensum parzial sco selvicultur. La suprastanza communal ei satsisfatga dall'eleczium dil Beat Cadruvi e spera sin in bien e fritgeivel operar dil niev selvicultur per nossa vischnaunca. Plinavon engrazia la suprastanza communal a nies selvicultur partent Flurin Cathomas gia oz per siu grond e nunstunclenteivel engaschi en favur da nossa vischnaunca e per sia prontadad da prolungir igl engaschi per la vischnaunca entochen la terminaziun dalla scolaziun dil nievelegiu selvicultur.

Sumvitg, 23-10-2020

*Suprastanza communal*

### Rumida da neiv 2020/21

La vischnaunca exequescha era uonn puspei sin incarica la rumida da neiv per privats. L'indemnisaziun per quella lavur corrispunda allas cundiziuns che l'industria privata pretenda. Plinavon sto quella dismissa da neiv star anavos en prioritad alla rumida dils implonts publics d'avertura. Sche pusseivel duei l'incarica vegnir surdada alla vischnaunca mo leu nua che quella procura era la dismissa dallas vias cunfinontas. Vischinas e vischins che vulan schar exequir la vischnaunca la rumida da neiv da lur vias e parcadis privats duront gl'unviern proxim ein supplicai d'annunziar quei a scret ni per telefon entochen ils 31 d'october 2020 al cau dil menaschi stradal (tel. 079 638 18 19).

Sumvitg, 23-10-2020

*Departament traffic*

## **Preparaziun sin temps d'unviern**

Tenor art. 69 dalla lescha da baghegiar ei la vischnaunca autorisada da schar dismetter la neiv dils implonts publics d'avertura sil schischom privat cunfinont cun prender il duiu risguard sin baghetgs, implonts e cultiras. Per liung dallas vias publicas e privatas ein seivs demontablas ni implonts da tal gener d'allontanar. Ultra da quei ston caglias e roma vegnir tagliadas anavos aschia che la rumida da neiv vegn buca impedida. Quellas lavurs da preparaziun sil temps d'unviern ston vegnir exequidas entochen la fin d'october 2020. En cass d'omissiun refusescha la vischnaunca suenter la sesiun d'unviern scadins donns occurri ord la rumida da neiv.

Sumvitg, 23-10-2020

*Departament traffic*

## **Donaziun fundaziun Greina**

Sebasond sin art. 5 dil reglament pertuccont diever dalla donaziun fundaziun svizra per la tgira dalla cuntrada ston damondas per ina contribuziun vid in project vegnir inoltradas alla cumissiun Greina entochen ils **30 da november 2020** digl onn precedent cul formular corrispondent tier l'administraziun communal. Nus supplichein per notizia da quest avis.

Sumvitg, 23-10-2020

*Cumissiun Greina*

## **Uras d'avertura deponia da verd Igniu**

La deponia ei aviarta naven da sonda, ils 24 d'october 2020 sco suonda:

- mardis: 17.00 – 19.00 uras
- gievgia: 17.00 – 19.00 uras
- sonda: 09.00 – 12.00 uras

Nus supplichein per enconuschientscha e capientscha.

Sumvitg, 23-10-2020

*Departament ambient*

## **Uniun da catschadurs Greina, Sumvitg**

### **Invitaziun alla tgira d'atun**

Nus serimnein **sonda, ils 24 d'october 2020** a Surlagval.

Temps da lavur: 7.30–13.00

Plazza da lavur: Uaul da Puzastg

Uaffens: Vons, resgia da cadeina, capellina e caultschas da resgiar da segirtad.

Eventual sclariment dat nies cau da tgira Remo Manetsch, tel. 076 471 83 25, ni sut

[www.catschadurs-greina.ch](http://www.catschadurs-greina.ch) Cun amicabels salids e sin seveser! *Per la suprastonza, il cau da tgira Remo Manetsch*

## **Rimnada da pupi e cartun**

### **Venderdis, ils 6-11-2020**

**Avonmiezdi:** Rabius, Sumvitg, Cumpadials, S. Benedetg e Clavadi

**Suentermiezdi:** Surrein

Sch'enzatgi vul menar sez siu pupi e cartun tier las muldas, sesanflan quellas a Rabius, Cumpadials, Sumvitg ed a Surrein. Per simplificar la rimnada supplichein nus da ligiar ils pachets da pupi sco era quels da cartun aschia ch'els dattan buca dapart. Grond engraziament per Vossa capientscha e bunaveglia. *Scolaras e scolars cun las personas d'instrucziun dil Consorzi da scola Sumvitg-Trun*